

حيات

میانہ دانشا میانہ... ریاضہ راہا ہرورہ حیات فائلم!...
- نیچہ -

ادارہ مرکزی :

آنقرہ دہ ، استانبول جادہ سندہ آنقرہ
معارف امینلکی پائندہ کی دائرہ

استانبول بوروسی :

استانبول دہ ، باب عالی جادہ سندہ و سلی پرشہ
ادارہ خانہ سی داخلندہ کی دائرہ
تلفون : ۳۶۰۷

نسخہ سی ہربرہ ۱۰ غرورہ

سنہ لکی پوستہ ایلہ ۵ لیرا .
(اجنبی مملکتلر ایچین ۵ دولار) .

اپونہ واعلان ایشلری ایچین استانبول بوروسی
مراجعت ایدیلیر .
یازی ایشلرینک مرجعی آنقرہ مرکزیدر .

صافی : ۷

آنقرہ ، ۱۳ کانون ثانی ، ۱۹۲۷

۱ نجی جلد

مصاحبہ

مملکتیزک خصوصی وضعیتی

مملکتیزک یالکز احتیاجہ باقائلر تورکیہ نك دیگر متمدن مملکتلر سویہ سنہ چیقاییلمنی ومدنیت طالمندہ اولک صفدہ بولونماسنی چوق مشکل کورہ بیلیرلر . حقیقہ تورک انتباهنک کچ اولماسی یوزندن مملکتیزک غربک متمدن ملتارندن چوق کریدر . فقط بووضعیت انقلابک قلبلرہ یرلشدیر . دیکی مفکورہ نك تحقق ایتہ سنہ مانعیدر؟ عیجا بونقصائلر تورکیہ نك قیصہ برزماندہ مدنی طالمک الک یوکسلری آراسندہ بولونماسنی منع ایدہ جک قادار اہمیتلیمیدر؟ اگر تورکیہ نك یالکز نقصائلرینہ باقیلیرسہ ، اگر برملتک حیاتی قدرتی ہیچ حساب ایدیلیرک معین ترقی مرحلہ لرندن تدریجاً و میخانیکی بر طرز دہ کچہ جکنہ اینانیلیرسہ اووقت آنجق پک اوزون زمان صوکرہ بوکونی مدنی مملکتلر سویہ سنہ کلہ بیلہ جکمزہ قانع اولقلغیز ایجاب ایدہر . بو مدت ظرفندہ مدنی عالم دہا ایلہرلہ مش اولاجقندن بزم اولنلرک سویہ سنہ یوکسلہ مز چوق کوچ عد ایدیلہ بیلیر . حالبوکہ مدنی وسائط اعتباریلہ کری اولان تورکیہ بعض نقطہ لردہ سریع بر تکامل ، قوتلی ترقی حملہ سی کوسترہ بیلیمک غایت مساعد بر موقعہ در . برکرہ ، غربک اجتماعی تکاملدہ دائما مجادلہ ایتدیکی قوتلی بر آریستوقراسی و قلہ ریقال صنف بوکونیکی تورکیہ دہ موجود دکدر . ہلہ انقلاب قرون وسطائی تشکیلاتی اورتادن قالدیردقن

صوکرہ بوکونی موانعک ترقی حملہ لرینہ انکل اولماسنہ احتمال یوقدر .

حالبوکہ غرب مملکتلرینک پک چوغی بوقوتلرہ مجادلہ ایتہک حالاً بیلہ مجبور اولویورلر . بونک برمثالی کورمک ایچون فرانسز مطبوعاتنک معارف خصوصندہ کیریشدیکی مناقشہ یہ باقق کافیدر . ہر ییو قایینہ سی واونی استخلاف ایلہ یں حکومتلر فرانسدہ سنہ لردنبری موضوع بحث ایدیلن «تک مکتب École unique» سیستہ منہ دوغرو کیمک ایچون قطعی تدبیرلر آلمق ایستہ یورلر . بونک ایچون لیسہ لرک ابتدائی صنفلرلہ دیگر ایلک مکتبلرک پروگرامنی توحید ایدیور ، لیسہ لرک بو صنفلرینہ انتخاب ایدیلن معلملردہ ایلک مکتب معلملرینک اوصافی آرامغہ قرار ویریورلر؛ ایلک مکتبلردن چیقان طلبہ دن مستعد اولانلرینک تالی تحصیلی تعقیب ایدہ بیلملرینی قولایلاشدیرمق ایچون تدبیرلر اتخاذ ایلہ مک ایستہ یورلر؛ مسلک مکتبلرینہ ، یوکسک ابتدائیلرہ École primaire supérieure کیومش اولانلردن لیسہ تحصیلی تعقیبہ قابیلیتی اولانلرک بو مکتبلرہ کچہ بیلیمنی ، ہانکی صنف خلقہ منسوب اولورسہ اولسون ذکائی معلملری طرفندن تصدیق ایدیلن چوجوقلرک عالی تحصیل کورہ بیلملرینی تأمین ایلہ یورلر . تک مکتب سیستہ منہ دوغرو آتیلان بو خطوہ اوزون مجادلہ لری ، مناقشہ لری دعوت ایدیور . نہ ایچون؟ چونکہ فرانسدہ حالاً بوتون وطنداشلا ایچون مساوی ولادینی تربیہ یی قبول ایتہ یں وچوجوقلری دولت طرفندن تعین اولونان مربیلرہ تودیع ایلہ مک ایستہ منہ بر صنف وار . بو صنف قوتی آریستوقراسیدن وکلیسا

تلقیناتندن آلیور . تورک ملتی ایسہ تماماً دہ موقرات برملت اولدینی ایچون بوتدیرلر ہیچ برمانعہ یہ اوغرامق سزین تطبیق اولونایلیور . دیمک کہ مثلاً تربیہ ساحہ سندہ دیگر ملتارک اوزون بر مجادلہ ایلہ الہ ایتدکلی نتیجہ یی بز قوت صرفہ لزوم کورمک سزین استحصال ایدہ بیلورز .

تورکیہ نك دیگر ممتاز وضعیتی دہ دولت قوتنہ انکل اولاییلہ جک قوتلی اقتصادی زمرہ لرک تشکل ایتہ مش اولماسیدر . غرب دہ موقراسیلری اولجہ اقتصادی حیاتدہ ناظم اولق وظیفہ سنی «دولت ایشی» عدا ایتدکلی ایچون اورادہ یکدیگریلہ دائما مجادلہ حالندہ بولنان اقتصادی زمرہ لر تشکل ایتہ مش ، بونلردن قوتلی اولانلر سیاسی قدرت قارشیسندہ مانعلر احداث ایلہ بیلہ جک بر موقع آلمشلردر . اونک ایچون حکومتلر اجرا آتندہ بوقوتلرک دہ مختلف تأثیرلرینہ معروض قالمقدہ درلر . تورکیادہ حکومت قوتنہ انکل اولاجق اقتصادی قدرتلردہ یوقدر . تورکیہ جهوریتی بو کون غرب دہ موقراسیلرینک تجربہ سندن استفادہ ایدہ بیلہ جک موقعہ در . بناء علیہ مختلف اقتصادی زمرہ لر آراسندہ ناظم اولق وضعیتی دائما محافظہ ایلہ بیلیر ، دولتک سیاسی قدرتی کسر ایلہ جک قوتلرک تشکلنہ میدان ویرمک سزین اقتصادی ترقی یی تأمین ایدہ بیلیر .

خلاصہ غرب دہ موقراسیلرینک تکاملنہ مانع اولان صنفلر تورکیہ دہ بولونمادینی ایچون تکامل یولندہ کوسترہ جکمز سریع حملہ لرک موفقیتلہ نتیجہ لیمسی دائما ممکندر .

اجتماعيات

اجتماعي سعي عالميه نصل تطبيق ايدليز؟

۳

کچن مقاله مزده بحث ايتديکمز اجتماعي تدقيق ، اجتماعي عمليه ايچنده چالشاجني محيطي طابيتير . اجتماعي عمليه بوبله برتدقيقدن سوکرا ايچنده چالشاجني محيطک بوزوقلقلري ، خستهقلقلري ايله قارشى قارشى به کلير . هر محيطک خصوصى و محلى خستهقلقلري واردر . اجتماعي عمليه بونى کشف ايدر ، هانکى ساحه ده فضلته قوت صرف ايتک ايجاب ايتديکني آکلار و پلائي اوکا کوره تثبيت ايدر . اجتماعي سعي شفقت دورندن فن دورينه کچدکدن سوکرا ارتق شاقى تداوى به اهميت ويرمز . محتاج برعائله به منتظماً يارديم ايتک او عالميه سفلاندن قورتارماز . بو شاقى بر تداويدرکه نتيجه اعتباريله هم فرده هم جمعيت مضرر . بناء عليه غايه سى واقى تدبير لاوليدر . بو عالميه ماده يارديم ايديله چکي برده ، اونک استحصال قوتلرني آرتيرمق ، کندى کنديني اداره ايدن برعائله حالته کتيرمکه چالشقم شبهه سز داها مضرر .

اجتماعي سعي شيمدى اقتصاد ، عالمه ، حقوق ، صحت وسائر هر ساحه ده تطبيقات ساحه سته کچمشر . ايلک اوکجه اجتماعي سعيک عالمه ده کى شکل تطبيقى ايصاح ايتک ايسترم .

واقع اصولي نه در ؟

اجتماعي سعيک عالمه ده کى تطبيقى ايلک دفعه نيورقده charity organisation society (تشکيلاتى شفقت) جيتنده کوردم . آخريقان اصول تربيه سنده هر شيتک اوله تطبيقى سوکرا نظريه سنى کوستريرلر . دماغ نظري بر طاقم عيده لره شيشه دن اول بو نظريه لره حياتده کى شکلى کورور ، سوکرا نظريه لرينى احاطه ايدر . بنده اجتماعي سعيده عالمه حقتده کى نظري تلقيسى کورمزدن اول بو جمعيتده صورت تطبيقى کوردم .

تشکيلاتى شفقت جمعيتى ، حکومتک ، جمعيت داخلنده حکم سورن ققرک سبيلرني ازاله ايله مرفه عالمه لوجوده کتيرمک غايه سيله تاسيس ايتديکي بر جمعيتدر . جمعيتک هيئت مرکزيه سى ماده استفاده ايديله . بيله چک خيررور اشخاص ايله اجتماعي عمليه واجتماعيات عالمرندن ، دوقفور وسائر مسلک اربابندن متشکلدر . جمعيتک هيئت اداره سى تاميله اجتماعي عمليه لردن منتخبدر . جمعيتک اداره سى ، اجتماعي سعي مکتبندن مأذون بر مديره ، بر معاون و ايکي زيارنجي عمليه مودوددر .

جمعيتک مديره سى بکا برعائله نك مونوغرافيسنى کوسترير بر دوسيه ويردى :

— اوقويکيز ! ديدى ، بودوسيه ده برعائله نك جمعيتک النه دوشديکي کوندن ، سربست قالدني کونه .

قدراولان واقعه سى مضبوطدى : «بوتداويده کوردیکيز نقصانلري قيد ايدکيز ، مناقشه ايدلم .» ديدى بکا ويرديکي واقعه شوندن عبارتدي :

«ميستر طوماس ، ميسيس طوماس آلتي جوجوقلى برعائله ايدى . بابا طوغلا فابريقه سنده کونده اون بر ساعت چاليشيور هفته ده اون سکر دولار آلور . جوجوقلرک ال بوبوکى ۱۳ ياشنده در . اوچ جوجوق مکتبه کيديور ، ديکرلري اوده . فقط بو سکر نفوسلى عالمه ، بابالرينک قازانجي ايله کچينه مديکي ايچون جمعيته مراجعت ايديبورلر .

جمعيت بو مراجعت اوزرینه زيارنجي عمليه ي کونديريور . بو ايلک ملاقاتده اجتماعي عمليه عالمه نك موضعي بر مونوغرافيسنى چيزيور . اوى ، اشياني ، شرائط حياتيه ي تدقيق ايديبور ، عالمه نك اسملرينى ، ديني ، دوغديني يري ، حياتنده کى ماجرالري ، کچيرديکي خستهقلقلري ، مسلکي ، تعليم و تربيه سى ، بودجه سى ، سغورطه سى ، صحت شهادتنامه لري ، عادتلري ، مربوط اولدني کليسا ، سابقه لى اولوب اولاديني ، عرق ، اولنديکي تاريخ ، اقبالري ، چاليشديني يرلر ، ياترونلرينک اسملري عالمه نك باشقه طرفدن يارديمي اولوب اولاديني ، جوجوقلرک کيتديکي مکتب و ديکر بونک گي عالمه نك وضعيتنى ميدانه چيقاران دايمللري قيد ايديبور . بوبرنجي ملاقاتدن سوکرا عالمه نك مونوغرافيسنى بابا بيلک ايچون قومشولرينى زيارت ايله عالمه حقتده خارجي دليللر طوبلايور . ميسر طوماسک چاليشديني يرلري ، ياترونلرينى کوره رک قابليت استحصاله سى ، سى ، ثباتى ، اخلاقى حقتده هيسنک شهادتلرينى آلور ، آقربالردن عالمه نك اجتماعي و اقتصادى وضعيتنى ، محکمه ده بوليسده قيدي اولوب اولاديني آراشديريور . بوتون بوتدقيقات ميسر طوماسک چاليشقان فقط تحصيلي اولاديني ايچون بو مقداردن فضلته قازانماسى امکاني اولديني کوسترييور .

اجتماعي عمليه ايلک ملاقاتى و اطرافدن طوبلايديني معلوماتى جمعيتده ميسر طوماس نامنه آجديني دوسيه به کوني کونه تاريخلريله قيد ايديبور . و هرکونکي ملاقات ، حتى تلفون مخبره لري بيله دوسيه ده محفوظدر . «برنجي تدقيقدن سوکرا عموم عالمه يني طبي بر معايينه تابع طوبور . ميسر طوماسک آبانديست اولدني و عملياته احتياج کوستردیکي ثابت اولور . جوجوقلرک برينک کوزلري ضعيف اولدني ايچون کوزلک استعمانه مجبور اولدني ، ديکرينک قانسزلقدن کيک ورمک مقدمه سنده اولدني تبين ايديبور . اجتماعي عمليه عالمه نك بوتون ماضيسنى و حالتي (واقع اصولي) ديدکلري بواصول ايله تدقيق ايدره ک اسکلتى ميدانه چيقارييور .»

«يالکيز ضرورتدن مشتکي اولارق مراجعت ايدن عالمه نك ده بوبوک دردلري اولدني ، آنجق بو معايينه لردن سوکرا ثابت اوليور . نه ميسر طوماس کندى خسته لغندن خبرداردر ، نه ده جوجوغک اولوم تهليکسه مروض اولديقه واقفدر .»

«اجتماعي عمليه برهفته لى قمتادى برتدقيقدن سوکرا عالمه حقتده کى بوتون منابعى کزه رک ، وثيقه لري طوبلايارق مونوغرافيسنى چيزيور . وقع هيت

اداره نك اوکنه کلدیکي زمان خسته قلر مثبت برشکلده آشکاردر . شيمدى بو عالمه نك اوله شاقى ، سوکرا واقى تداوى به احتياجي واردر . هر شيدن اول ميسر طوماسک عملياتى اجرا ايدلى ، کيک ورمه معروض اولان جوجوغک حياتى قورتاريلاليدر .»

«جمعيتک بر جوجوق خسته خانه لره اشتراکي واردر . خسته لرينى اوراده مجاناً تداوى امکانشي حاضر لامشدر . ميسر طوماس بوراده عملياتى ياپدير ايله چکدر . فقط اونک خسته خانه به کيده بيلمسى ايچون اوله ياترونندن مساعده آلامسى ، ثانياً کندى خسته خانه ده بولونديني زمان عالمه نك معيشتنک تأمين ايديله سى لازمدر .

بو دقيقه دن اعتباراً بو عالمه ارتق جمعيتکدر . اوقوديم دوسيه ده ميسر طوماسک عملياتى اجرا ايدلديکي مدتيجه عالمه جمعيت طرفندن کچينديريلشدر . خسته جوجوق بر ورم سناتور بومنه کونده ريلش ، ديکر جوجوغک کوزلري ده تحت تداوى به آلمشدر . اجتماعي عمليه مکتبه ناسه کلرک جوجوقلرک مکتبه ده کى احوال و حرکاتى ، کرى قالدقلري درسلى تدقيق ايديبور : جوجوقلري بودزسلره يتشديرمک ايچون (Community center جماعت مرکزي) اسمى ويريلن مؤسسه لره اونلرک بو درسله حاضر لانقى امکانتى ويريبور .

«ميسر طوماس خسته خانه دن چيقتجه به قادر بو عالمه به ياپلان يارديم تماماً شاقى در . فقط بو آلتي جوجوقلى عالمه باباسى ايشنه دوندکدن سوکرا ده بو عالمه نك خسته لنى يتشه مشدر . ذاتاً عالمه جمعيته مراجعت ايتديکي زمان جوجوقلرينک غدا سنى تأمين ايدمه مين بو عالمه در . آنه اولره چاشيره کيديور . ايکي ودرت ياشنده کى جوجوقلرينى آلتي ياشنده کى بوبوکلرينه بيراقيور . عالمه ده تام برسقات حکم سورييوردي .»

«شيمدى جمعيت بو عالمه يني قورتارمق ايچون واقى بريلان چيزيور . ميسر طوماسک وارداتى بو عالمه يني کچينديرمکه کافي دکلددر . بو آدامک قابليت استحصاله سنى آرتيرمق لازم . بو بابانک ايشنى ده کيشديرمکه ممکن دکلددر .

جمعيت ميسر طوماسک ، اوچ آي مدته الکترىق تدريس ايددرک عملى مهندس يتشديره ن بر مکتبه دوامنه قرار ويريبور . ميسر طوماس کوندوزلري مکتبه ده اوقوديني ايچون کچه لري اوچ ساعت چاليشه جق بر ايش بولور . بو کوچوک واردات شبهه سز عالمه به آنجق کوچوک بر يارديم تأمين ايديبور . قاديخى ده عالمه ده مستحصل ياپيور . قاديخه هفته ده اون ايکي دولار تأمين ايدن بر ايش بولور . آنه سى چاشيره کيتديکي زمان سواقلرده سورون اوچ جوجوغى (باقيم اولرينه Nursey) يرلشديريور . قادين ايشدن دوزرکن جوجوقلرينى يمکنى ييش ، بانيوسنى ياش بر حاله آلور ، ايرته سى صياح کيدرکن يته جوجوقلرينى بورايه بيراقيور . اوچ آي سوکرا ميسر طوماس تحصيلى يتشديريور ، هفته ده ۳۵ دولار تأمين ايدن بر ايش يرلشور . قادين ده اوه واردات کتيرييور ، جوجوقلر اودن ده مکمل باقم اونده بويويور ، سناتور بومنه کى جوجوق ده بر سته سوکرا بر صحت اوينه دونيور .»

بووقعه ده يم ايچون تنقيد ايديله چک هيچ برشى

يوقدی . يالکيز ده رين بر حيرت واردی . ميستر طوماس کي قرق ياشنه کلش بر آدمک قابليت استحصاله سنی آرتيرمق ايچون اونی يکيدن برمسلك صاحبي ايدهرک بوتون برعالمه يی دائمی صورته جمعيته شفقتنه ، ياردينه محتاج برطفيلي وضعيتدن مستحصل وضيفته کچيره ن بو طرز سعيک مثبت نمره سی اوکنده حيرتدن باشقه برشی دويماشدم .

تدقيق ايتديکم بوتون دوسيه لرده غايه عالمه يی مستحصل حاله کتيروب طفيلي اولقندن قورتارمق ، هرفردی آیری آیری تدقيق ايدهرک ، هر برينه محتاج اولدینی صلاحی تأمين ايتکدی . بر اجتماعي سعيک عالمه يی طرز تطبيقی ایدی .

اجتماعي سنی متخصصينه کوره عصری ومدنی حيايه عالمه (on t on) وظيفه سی تماماً ده کيشدير . مشدره ايلک دورلرده (gens) ده نيلی و بوتون اقربايی شامل اولان اوتوز قرق کيشيلک عالمه ، اجتماعي تکاملده conjugal (قاری وقوجادن عبارت عالمه) ده دايانوب دورمشدر .

يکرمنجی عصره قدر و حالا بوکون جمعيته عالمه تکامل شکلی بودر . فقط صنای انقلابدن سوکرا يالکيزارککک استحصالی ايله ياشايان ، ارکککک حاکيت و اداره سيله يوروين conjugal عالمه ده اجتماعي رفاهی تأمين ايدهمه مکه باشلامشدر . اقتصادي احتياج و مجبوريتلر ، يکی طرز معيشتلر ، تماماً مستهلك اولان onjugal عالمه تک قيمتي غائب ايتديرمشدر . بو عالمه بوکون جمعيته غيرطبيعی و survivant پس زنده برحاله ياشايور مستهلك عالمه کرک فردلره ، کرک جمعيته ضرر توپيد ايدهن مؤسسه در . يکرمنجی عصرک ماکنه مدنيتي فردلرک و جمعيته قوه استحصاله سنی آرتيرمق غايه ايديشدر . بومدنيت ايجريسنده مستهلك عالمه تک يری يوقدر . بو عالمه جمعيته ايجريسنده اجتماعي حضورسزلیق ، سفالت واضطراب ياراتمقندن باشقه نيجه ويرميور . بناء عليه عالمه يی جمعيته و فردلره مضر اولقندن قورتارمق ايچون عالمه ده ده موقراسی يی تأمين ايتک لازمدر . بو يکی مدنيت ايجنده عالمه تک آلاچنی شکل democratic عالمه در .

ده موقراتيک عالمه در ؟

ده موقراتيک بر عالمه ده قادينله ارککک حق ووظيفه سی مساويدر . ارککک حاکميتی موضوع بحث دکدر . قادين وارکک مساوی صورته مستحصلدر . جوجوقلر عالمه تک قوه استحصاله سنی منع ايدهن انککلر دکدر . جوجوقلرک حمایه سندن جمعيته مسئولدر . دولت اوچ هفته لقی جوجوقدن اعتباراً هر جوجوغه يشامق ، بويومک ، و اوقومق امکاملرینی ويره ن مؤسسه لر يايتمه مجبوردر . بو عالمه ده حق ووظيفه مساوی و مشترکدر .

اجتماعي سنی متخصصلرينک وجوده کتير دکلری اجتماعي تشکيلات بو غايه يی استهداف ايتکده در .

نیم ميستر طوماس عالمه سنده کوردیکم طرزدادی بو عالمه تک هر فردیني مستحصل حاله کتيرمش ، جوجوقلری مؤسسه لره ويرمش ، فقط عالمه مستحصل حاله کچکدن سوکرا جوجوقلرک مؤسسه ده کی مصرفی

اوده مش ، بو عالمه ده جمعيته يوک اولان هيچ بر فرد قالماشدر .

اگر بو عالمه علی العاده بر جمعيته آلنه دوشمش اولسه يدی اونک اکسيک اولان کومورینی و ييه جکني اراصيرا ويره جک ، خسته جوجوق اوله جک ، دائماً جمعيته صيرتنده ياشايان بو عالمه هم کندينه هم جمعيته مضر اولاجقدی . فنی ، اجتماعي سنی کيرمه يی يرلرده ايشته شفقت نامه صرف ايديلن پارالبوصورتله نباه ايديلکده جمعيته قائده يرينه ضرر ايراث ايديلکده در .

بوکون امريقاده کرک حکومتک آجديني جمعيته کرک خصوصي جمعيته بو اصولی تطبيق ايتکده ، حکومت اجتماعي سنی مکتبندن مأذون اوليان کيسه لرک بو خدمتی کورمنه مساعدته ايتمه مکده در . بعضاً اويله واقعه لر واردرکک اجتماعي عمله عالمه تک رضاسی خلافته جوجوغنی آلندن آلمه ييله صلاحيتداردر . آنه سنک جوجوغنی لايقيه باقاماسی يوزندن اولمکه محکوم اولان جوجوغنی آنه سنک ارزوسی ايله آلاماز .ه جبراً آلوب خسته خانه يه کونورمکه . اجتماعي عمله قانوناً سربستدر . الی سنه لک بر سعیدن سوکرا اجتماعي عمله بو حق ووظيفه يی قانوناً دخی آلمشدر . چونکه فرد ، ايتر جوجوق ايتر بويوک ، هرشیدن اول جمعيته در . جمعيته صلاحی ، مسعود و متکامل فردلر و عالمه لرله ممکندر . بو صلاحی فردک ضررينه دخی اولسه جمعيته حسابنه اجتماعي عمله تأمينه مجبوردر .

صبيحه زکريا



وطنپرورلک ، وطنداشلق

تورک هيئت اجتماعيه سنه يکی استقامت لک کوستريلرکن وطنپرورلک و وطنداشلق مفهوملری حقنده کی تلقيلرمت اوزرنده ده بر آز توقف ايتک ضرورتی واردر . کنجلمزک وحتی عموميت اعتباريله تورک وطنداشلرينک تورک جمعيته ودولتی مواجهه سنده کی وضعيتلری و روللری آنجق بوتلقيلرک ماهيته کوره بر شکل آله بقدر . هيمز وطنپرورلکی ، وطنی سومکدر دير کچرز ... فقط بو سوکينک اجتماعي نيجه لرینی آراشديرمغه واوندن صکره حصوله کله جک قناعلر مزه کوره حرکت ايتمه پک لزوم کورمه يز . حالبوکه قورمق ايتسه دیکمز مدنی حياتک تحق و تعاليسي ايچون بويله بر تدقيق وتحليله شدتله لزوم واردر . وطنپرورلک ، دين کي ده ازياده حسيات واديسنه عائد اولان بر کيفيتدر . چونکه بوده انسان قلبي اشغال ايدن محبتلردن يری در . وطن محبتی جمعيته کرک شکلی و تکاملی ايله پک چوق علاقه داردر . ابتدائی جمعيته درده و معين بر منطقه يه يرلشمه مش اولان قبيله لرده بزم آکلادغمز ماهيته و وطنپرورلک اولاماز . اونلرده کی ده ازياده بر استقلال وحریت عشقيدر . اصل وطنپرورلک قالابالق و ثابت جمعيته کرک تشکلی

متعاقب دوغار . حتی بو جمعيته درده بيله حاکم اولان حيات تلقيلرينه و مدنيت شکلرينه کوره وطنپرورلک مفهومی مختلف ماهيته عرض ايدر . اسکی يوناني لرده وطنپرورلک سيته حياتنه انحصار ايديبوردی . هر شهر کندی عاداتی ، کندی اخلاقی ، کندی شکل حکومتی اک مکمل اوله رق طانيور واونلره شدتله مربوطيتی وطنپرورلکک انجاي بيلوردی . صکره لری وطن مفهومی ده اکنيشله مش و سيته دن معتدد سيته لره و نهايت هيئت مجموعه سی دولت حدودیني تشکيل ايدن اقسام اراضی يه شامل اولمشدر . اسکی زمانلرده وطنپرورلکک اک برنجی وصف فارقتی اجنبی دشمنانی تشکيل ايديبوردی . بوکون بيله عینی دشمنانی بعض ملتلرده کورمکده يز . خارجک ظلم و مداخله سنه معروض قالمش اولان ملتلرده تحفظ نفس و استقلال آرزولرينک آز جوق اجنبی يه دشمنانلق شاکنده تظاهر ايتسی طبعيددر .

اوروپا مدنيتی ملتلری يکديکرينه طامتح وياقلاشدير . مق صورتيه بر جوق باطل اعتقادلرک اوکنه کچمش و وطنپرورلک حسياته اسکيسندن ده ازياده انسانی بر شکل ويره شدر . بونکله برابر اولجه دینی ، عسکری عسکری و سياسي امللری استهداف ايدن وطنپرورلکک متعرض ماهيتی تماميله زائل اولامشدر . يالکيز حق و عدالت مفهوملرينک انکشافی سایه سنده ده ازياده اويانيق دوران انسانيت قارشيسنده وطنپرورلکک تجاوزی ماهيتی باشقه شکلره بورونک لزومنی حس ايتمشدر . مثلاً انکليز و آمريقان وطنپرورلکی ديکر ملتلر اوزرنده بر فائيت اقتصاديه و صنايعی تأمينی استهداف ايتکده در . فرانز و وطنپرورلکی صنعت وادبيات ، ايتاليان و وطنپرورلکی سياست و اداره اصولی ، روس و وطنپرورلکی اجتماعي سيستم حقنده کی نقطه نظرلرينی بتون جهانه نشر و تعميم ايتک آرزوسنده درلر . بو اعتبار ايله مختلف ملتلرک وطنپرورلک حسلری آره سنده بر طاقم تصادم نقطه لری حاصل اوليورکک بونلر صلح عالم ايچون بر نوع ته لکه تشکيل ايتکده در . بوتله لکي ازاله ايچون بعض متفکرلرده وطنپرورلکک حدودیني ملت ساحه سندن انسانيت ساحه سنه تشميل ايتک خياي سنده بولنمشدر . قوزموپوليت عنوانی آلان وکنديلرينه الکيقين اولان وطنداشلرينی دوشونه جک برده طانمادق لری اجنبيلرک مقدراتنه علاقه کوستره ن بو خيالچيلر هنوز مؤثر بر رول اويناياجق وضعيته دکدرلر .

انسانيتک بوکونکی شکلنه نظراً اک متکامل وطن مفهومی ، ملت حدودلرينه انحصار ايدن و بتون سياسي ، اجتماعي و اقتصادي مفکوره لری ايله برکل حالنده نظر اعتباره آلمسی لازم کلن جمعيته و دولت حياتنه عائد اولانيدر . وطن يالکيز طوپراقدن عبارت دکدر . ملی بر جمعيته و دولتی تشکيل ايدن مادی و معنوی بتون عنصرلر ، مؤسسه لر وطن مفهومنه داخلدر . وطنی بو کنيش معنا سنده آلنجه آکا تعلق ايدن سوکی يی ده تشميل ايتک لازمدر . بو شکلده کی وطنپرورلک آنجق ده موقراسينک وملت حاکميتک جاری اولدینی جمعيته درده موضوع بحث اولابيلير . فی الحقيقه اولجه دين تعصبک و سلطنت استبدادینک